

短 论

温病始于太阳议

凡温邪暑证,初发只在太阳,故《内经》云:湿上盛而热,治以苦温,佐以辛甘,汗出为故而止。仲景《伤寒论》于太阳篇中标明温病,明温病之发端,未有不从太阳起也。故温病初起,形寒头痛发热,麻黄加术汤,亦可用之。邪未入深,可以一汗而解。失此不治,由气入营,不得不用辛凉矣指。(按:温病应属太阳,故用麻黄加术汤,失治后,邪入营,才用辛凉,白虎汤)

《内经》又曰:因于暑,动则喘喝,静则多言。体若燔炭,汗出而散。体若燔炭,表热也。汗出而散,病气在太阳也。盖夏之月,卫气外泄,风寒外束,汗孔忽闭,汗从肌腠出者,外无出路,内不得还入腠理。汗液留于皮里膜外,经秋肃气司令,汗液之留着于中者,遂生表寒,营卫之气,遏抑不发,正与邪争,是生表热。若早为开泄,当得一汗而解。故经言,汗出而散也。失此不治,轻则痄疰,重则伏暑。(按:暑病亦用汗法,即温散。叶天士病初不用温散,病邪入里,只能尾随敌后,再用辛凉)

古人所以无伏暑之病名者,正以邪在太阳。即祛之使从汗解。不使久留而成淹滞之证也。盖古人治病,常用曲突徙薪之计。不似近世叶香岩辈,专恃焦头烂额,忝为上客。譬之弈棋,下子多是后手,已不得为高手矣。又其甚者,邪未入营,早用犀地等剂,遏其